

## Ūi Kokthài Bînan Kító

(Khóláh ê kiáⁿsun ê si, kau hō sipan chfhui.)

- 1 SiōngChú ah, Lí íkeng si un tī Lí ê tē,  
lâkop siūliáh ê lâng, Lí íkeng kā in chhōa tò tṛg  
lâi.
- 2 Lí siàbián Lí chúbîn ê chōegiát,  
Jiakhàm in sōū ê chōekò. [Sèláh]
- 3 Lí íkeng siuhōe Lí sōū ê siūkhì,  
soah khì Lí kèkliát ê lōkhì.
- 4 Kiù goán ê SiōngChú ah, kiù Lí hō goán  
hōechoán,  
kiù Lí soah Lí tùi goán ê siūkhì.
- 5 Lí kám ē éngoán tùi goán siūkhì?  
Lí ê siūkhì kám ē chhîsiók kàu bān sètāi?
- 6 Lí kám bô beh koh kā goán kiùoáh,  
thang hō Lí ê chúbîn inūi Lí lâi hoaⁿhí?
- 7 SiōngChú ah, kiù Lí tùi goán hiánbêng Lí ê  
chûài,  
koh kā Lí ê kiùun siúⁿsù hō goán.
- 8 Góa beh thiaⁿ Chú — SiōngChú só beh kóng ê  
ōe;  
inūi I èngún beh siúⁿsù pêngan hō I ê  
chúbîn — I sèng ê chúbîn;  
chóng sī, in m̄ thang koh tòtṛg khì lāmsám  
kiâⁿ.
- 9 I ê kiùun khaksit ē óakīn kiaⁿùi I ê lâng,  
hō I ê èngkng tiàm tī lán ê tēchiūⁿ.

## 為國泰民安祈禱

(可拉 ê kiáⁿ 孫 ê 詩, 交 hō 詩班指揮。)

- 1 上主 ah, 祢已經施恩 tī 祢 ê 地,  
雅各受掠 ê 人, 祢已經 kā in chhōa 倒 tṛg  
來。
- 2 祢赦免祢子民 ê 罪孽,  
遮蓋 in 所有 ê 罪過。[Sèláh]
- 3 祢已經收回祢所有 ê 受氣,  
soah 去祢劇烈 ê 怒氣。
- 4 救阮 ê 上主 ah, 求祢 hō阮回轉,  
求祢 soah 祢對阮 ê 受氣。
- 5 祢 kám ē 永遠對阮受氣?  
祢 ê 受氣 kám ē 持續到萬世代?
- 6 祢 kám 無 beh koh kā 阮救活,  
thang hō 祢 ê 子民因為祢來歡喜?
- 7 上主 ah, 求祢對阮顯明祢 ê 慈愛,  
koh kā 祢 ê 救恩賞賜 hō阮。
- 8 我 beh 聽主—上主所 beh 講 ê 話;  
因為祂應允 beh 賞賜平安 hō 祢 ê 子民—祂聖 ê  
子民;  
總是, in m̄ thang koh 倒 tṛg 去 lāmsám 行。
- 9 祢 ê 救恩確實 ē óa 近驚畏祢 ê 人,  
hō 祢 ê 榮光 tiàm tī 咱 ê 地 chiūⁿ。

10 Chûài kah sìnsít siotú;

konggī kah hôpêng siochim.

11 Sìnsít tùi tē nih puh chhut lâi;

konggī tùi thi<sup>n</sup> nih kàng lóh lâi.

12 SiōngChú ē siú<sup>n</sup>sù hó mih;

lán ê thótē beh ū tōa hongsiu.

13 Konggī kiâ<sup>n</sup> tī l ê thâuchêng,

ūi l ê khapō pīpān tōlō.

10 慈愛 kah 信實相 tú ;

公義 kah 和平相 chim 。

11 信實 tùi 地裡 puh 出來 ;

公義 tùi 天裡降落來 。

12 上主 ē 賞賜好物 ;

咱 ê 土地 beh 有大豐收 。

13 公義行 tī 祂 ê 頭前 ,

為祂 ê 腳步備辦道路 。